

Strategaeth Gwasanaeth y Llyfrgelloedd Rhondda Cynon Taf 2026 - 2030



Cynnwys

01. Cyflwyniad
02. Ein Gwasanaeth Llyfrgelloedd
03. Deddf Llesiant Cenedlaethau'r Dyfodol 2015
05. Cynllun Corfforaethol Cyngor Rhondda Cynon Taf 2024-2030
07. Myfyrion ar Ein Strategaeth 2022 – 25
07. Ein Safonau
07. Llyfrgelloedd Cysylltiedig – Cynigion Llyfrgelloedd
08. Cyffredinol
10. Llyfrgelloedd Rhondda Cynon Taf - Cysylltiedig
17. Dywedon ni, Gwnaethon ni
19. Ein Gweledigaeth
20. Ein llyfrgelloedd mewn rhifau
21. Ein Blaenoriaethau Strategol Allweddol
22. Cadw'r Gwasanaeth yn Berthnasol
23. Gwellu Profiadau yn y Llyfrgell
24. Datblygu Gwasanaethau sy'n addas ar gyfer y Dyfodol
Deilliannau ac Effeithiau: Sut y byddwn ni'n gwybod ein bod ni wedi llwyddo.

Cyflwyniad

Mae trigolion Rhondda Cynon Taf yn gwerthfawrogi eu llyfrgelloedd lleol ac yn eu hystyried yn fannau diogel a dibynadwy. Maen nhw'n gweld bod staff ein llyfrgelloedd yn gyfeillgar ac yn wybodus ac yn gwerthfawrogi'r nifer o wasanaethau sydd ar gael. Amlygodd yr Arolwg Bodlonrwydd Cwsmeriaid (Oedolion), a gafodd ei gynnal ym mis Mawrth 2025, sut roedd llyfrgelloedd wedi cyflawni ymrwymadau yn y Strategaeth Llyfrgelloedd a'r Cynllun Gweithredu 2022-2025 blaenorol, ac wedi llywio ac arwain, ynghyd â ffactorau eraill, y Strategaeth Llyfrgelloedd newydd 2026-2030 yma.

Mae Gwasanaeth Llyfrgelloedd Cyngor Bwrdeistref Sirol Rhondda Cynon Taf yn cynnwys 3 Llyfrgell Ardal sy'n gartref i gasgliadau hanes lleol a 10 Llyfrgell Gangen. Mae'r llyfrgelloedd yn fannau cymunedol bywiog sy'n cynnig gwasanaethau sy'n ymestyn ymhell y tu hwnt i ddarparu llyfrau. Maen nhw'n cynnig achlysuron a gweithgareddau yn y gymuned, hybiau bancio, cyfrifiaduron mynediad cyhoeddus a Wi-Fi am ddim, a gwybodaeth, cyngor a chymorth, gan gynnwys cefnogaeth i wneud cais am Fathodyn Glas parcio i bobl anabl, ymholiadau Treth y Cyngor, Budd-daliadau Tai neu docyn bws.

Mae gan awdurdodau lleol ddyletswydd statudol o dan Ddeddf Llyfrgelloedd ac Amgueddfeydd Cyhoeddus 1964 'i ddarparu gwasanaeth llyfrgelloedd cynhwysfawr ac effeithlon i bawb'.

Nid yw'r Ddeddf yn nodi sut y dylid cyflawni'r ddarpariaeth yma na sut y dylai ddiwallu anghenion cymuned ac eithrio y dylen nhw:

- Ystyried annog oedolion a phlant i wneud defnydd llawn o'r Gwasanaeth Llyfrgelloedd
- Rhoi benthyg llyfrau a deunydd printiedig arall yn rhad ac am ddim i'r rhai sy'n byw, yn gweithio ac yn astudio yn yr ardal.

Yng Nghymru mae'r ddyletswydd 'i oruchwylio a hyrwyddo gwelliant yn y gwasanaeth llyfrgelloedd cyhoeddus a ddarperir drwy awdurdodau lleol' wedi'i datganoli i'r Gweinidog perthnasol yn Llywodraeth Cymru ers 2002 ac mae'r ddyletswydd yma wedi'i chyflawni drwy Safonau Llyfrgelloedd Cyhoeddus Cymru.

Ein Gwasanaeth Llyfrgelloedd

Mae Cyngor Rhondda Cynon Taf wedi cynnal model cymysg o ran cyflenwi'r gwasanaeth er gwaethaf y pwysau ar gyllid awdurdodau lleol ledled Cymru, sy'n cynnwys:

- 3 Llyfrgell Ardal (Aberdâr, Pontypridd a Threorci)
- 10 llyfrgell gangen (Abercynon, Aberpennar, Glynrhedynog, Hirwaun, Llantrisant, Pentre'r Eglwys, Pont-y-clun, y Porth, Rhydfelen a Thonypandy).
- Mae saith o'n llyfrgelloedd yn Ganolfannau Cydnerthedd y Gymuned. Mae'r canolfannau yma'n cefnogi Rhwydweithiau Cymdogaeth trwy gydlyn cymorth i drigolion a chynnig gwybodaeth, cyngor ac arweiniad. Mae'r Cyngor hefyd yn gweithio gyda phartneriaid i ddarparu cefnogaeth uniongyrchol o'r lleoliadau yma.
- Llyfrgelloedd sy'n Ganolfannau Cydnerthedd y Gymuned: Aberdâr, Pentre'r Eglwys (Yr Olwg), Glynrhedynog (Yr Hwb), Llantrisant, Aberpennar (Canolfan Pennar), Porth, a Phontypridd.
- Gwasanaeth Llyfrgell Gartref i drigolion sy'n methu dod i'r llyfrgell
- Gwasanaeth Llyfrgelloedd i Ysgolion sy'n cynnig gwasanaeth benthyca a chynghori i bob ysgol gynradd.
- Llyfrgellydd Plant a Phobl Ifainc sy'n datblygu rhaglenni a gweithgareddau sy'n hyrwyddo darllen a llythrennedd gwybodaeth ymysg pobl ifainc.
- Mae e-lyfrau, e-lyfrau llafar, e-gylchgronau ac e-bapurau newydd ar gael ar-lein bob amser i'n holl drigolion.
- Mynediad at adnoddau ar-lein megis Transparent Languages Online, Theory TestPro, Ancestry.com a FindMyPast.com
- Casgliadau astudiaethau lleol yn llyfrgelloedd Aberdâr, Pontypridd a Threorci.
- Mynediad ar-lein at ddeunyddiau astudiaethau lleol, hanes llafar a chasgliadau ffotograffig.
- Mynediad at fannau cyfarfod cymunedol
- Mynediad at dechnoleg ddigidol

Deddf Llesiant Cenedlaethau'r Dyfodol 2015

Nod hirdymor Llywodraeth Cymru yw adeiladu Cymru sy'n ein helpu ni i gyd i weithio gyda'n gilydd i wella ein hamgylchedd, ein heconomi, ein cymdeithas a'n diwylliant. Mae hyn er budd ein pobl, ein planed, nawr, ac yn y dyfodol, drwy Ddeddf Llesiant Cenedlaethau'r Dyfodol.

Mae'r ddeddf yn cynnwys 7 nod lles cysylltiedig i Gymru:

Cymru lewyrchus

Mae ein llyfrgelloedd yn cefnogi cenedl fedrus a llewyrchus drwy:

- Ddarparu mynediad am ddim i adnoddau digidol, Wi-Fi, a thechnoleg.
- Cynnig cyfleoedd dysgu, rhaglenni llythrennedd, a chymorth cyflogadwyedd.
- Cefnogi entrepreneuriaid drwy ddarparu gwybodaeth, gweithle ac offer digidol.
- Helpu pobl i ennill sgiliau hanfodol sy'n gwella rhagolygon swyddi a dysgu gydol oes.

Cymru iachach

Mae ein llyfrgelloedd yn helpu i wella lles corfforol a meddyliol drwy:

- Gynnig gwybodaeth iechyd, llyfrau hunangymorth a rhaglenni lles.
- Cynnal grwpiau cymdeithasol sy'n lleihau unigrwydd ac arwahanrwydd.
- • Darparu mannau diogel, rhad ac am ddim, a chynhwysol, sy'n cefnogi iechyd meddwl cadarnhaol.
- Gweithio mewn partneriaeth ag asiantaethau iechyd i ddarparu cyngor, gwasanaeth cyfeirio a chefnogaeth.

Cymru gydnerth

Mae ein llyfrgelloedd yn cyfrannu at gydnerthedd amgylcheddol a chymunedol drwy:

- Hyrwyddo gwybodaeth am gynaliadwyedd, llythrennedd hinsawdd, ac adnoddau byw gwyrdd.
- Cynnal gweithdai ac achlysuron ar ymwybyddiaeth amgylcheddol.
- Bod yn ganolfannau lleol dibynadwy sy'n aros ar agor ac yn gefnogol yn ystod argyfyngau neu newid.

Cymru sy'n fwy cyfartal

Mae ein llyfrgelloedd yn hyrwyddo cydraddoldeb a thegwch drwy:

- Darparu mynediad am ddim at wybodaeth, gwasanaethau digidol a mannau i bawb.
- Cefnogi grwpiau sydd fwyaf mewn perygl o gael eu hallgáu'n ddigidol neu'n gymdeithasol.
- Cynnig casgliadau cynhwysol sy'n adlewyrchu cymunedau amrywiol.
- Sicrhau bod gan bawb gyfleoedd cyfartal i ddysgu, cysylltu a chymryd rhan.

Cymru o gymunedau mwy cydlynus

Mae ein llyfrgelloedd yn cryfhau cydlyniant cymunedol drwy:

- Weithredu fel mannau cyhoeddus diogel, croesawgar a niwtral.
- Dod â phobl ynghyd trwy weithgareddau, achlysuron a phrofiadau a rennir.
- Cefnogi ymgysylltiad cymunedol, gwirfoddoli a chysylltu.
- • Helpu pobl i feithrin ymddiriedaeth, datblygu perthnasoedd, a theimlo eu bod nhw'n perthyn.

Cymru sy'n gyfrifol ar lefel fyd-eang

Mae ein llyfrgelloedd yn helpu Cymru i fod yn gyfrifol mewn cyd-destun byd-eang drwy:

- Hyrwyddo dinasyddiaeth, ymwybyddiaeth a dealltwriaeth fyd-eang.
- Cefnogi gwaith ar ddad-wladychiaeth, cynrychiolaeth, a chasgliadau cynhwysol.
- Annog ymddygiad cynaliadwy drwy wybodaeth a mentrau cymunedol.
- Darparu mynediad at wybodaeth a safbwyntiau o bob cwr o'r byd.

Bwriad y nodau yma yw sicrhau bod gan genedlaethau'r dyfodol yr un ansawdd bywyd ag sydd gyda ni nawr, neu ansawdd bywyd gwell hyd yn oed. Mae'r ddeddf yn darparu ar gyfer gwneud penderfyniadau gwell drwy sicrhau bod cyrff cyhoeddus yn:

- ystyried y tymor hir
- helpu i atal problemau rhag digwydd neu waethygu
- rhoi dull integredig ar waith
- mabwysiadu dull cydweithredol, ac
- ystyried a chynnwys pobl o bob oed a chefndir

Cymru â diwylliant bywiog lle mae'r Gymraeg yn ffynnu

Mae ein llyfrgelloedd yn hyrwyddo diwylliant a'r Gymraeg drwy:

- Cynnig llyfrau, adnoddau dysgu a gweithgareddau Cymraeg.
- Cefnogi treftadaeth leol, adrodd straeon ac achlysuron diwylliannol.
- Arddangos creadigrwydd lleol a dathlu diwylliannau amrywiol.
- Cadw a galluogi mynediad at gasgliadau hanes lleol.

Cynllun Corfforaethol Cyngor Rhondda Cynon Taf 2024-2030

Mae Cynllun Corfforaethol CBSRhCT 2024-2030: 'Gweithio gyda'n Cymunedau' wedi nodi pedwar Amcan Llesiant y mae'r Gwasanaeth Llyfrgelloedd yn cyfrannu atyn nhw:

Pobl a Chymunedau

cefnogi a grymuso trigolion a chymunedau Rhondda Cynon Taf i fyw bywydau diogel, iach a boddhaus;

Mae ein llyfrgelloedd yn cyfrannu at y nodau yma drwy:

- Mynediad at Wybodaeth a Chyngor: Mae llyfrgelloedd yn darparu mynediad am ddim at lyfrau, adnoddau digidol, a gwybodaeth ddibynadwy sy'n helpu trigolion i wneud penderfyniadau gwybodus am ieched, lles a diogelwch.
- Canolfannau yn y Gymuned: Maen nhw'n gweithredu fel mannau diogel a chroesawgar ar gyfer rhyngweithio cymdeithasol, gan leihau unigedd a meithrin cydlyniant cymunedol.
- Datblygu Sgiliau: Drwy hyfforddiant sgiliau digidol, clybiau swyddi, a rhaglenni dysgu gydol oes, mae llyfrgelloedd yn grymuso unigolion i wella eu rhagolygon a'u hyder.

Gwaith a Busnes

Helpu i gryfhau a thyfu economi Rhondda Cynon Taf.

Mae ein llyfrgelloedd yn cyfrannu at y nodau yma drwy:

- Adnoddau chwilio am swydd: Mynediad am ddim at y rhynggrwyd, cymorth ysgrifennu CV, a mynediad at gymorth trydydd parti i drigolion sy'n chwilio am waith.
- Gwellu sgiliau'r gweithlu: Mae llyfrgelloedd yn darparu mynediad at adnoddau ac offer dysgu ar-lein, gan gefnogi datblygiad proffesiynol.

Byd Natur a'r Amgylchedd

Rhondda Cynon Taf gwyrdd a glân sy'n gwella ac yn gwarchod yr amgylchedd a byd natur Rhondda Cynon Taf.

Mae ein llyfrgelloedd yn cyfrannu at y nodau yma drwy:

- Arferion cynaliadwy: Mae llyfrgelloedd yn hyrwyddo ailgylchu, effeithlonrwydd ynni, a gweithrediadau ecogyfeillgar.
- Addysg ynghylch yr Amgylchedd: Mae achlysuron ac adnoddau ar newid yn yr hinsawdd, bioamrywiaeth a chynaliadwyedd yn codi ymwybyddiaeth.
- Mentrau Cymunedol: Mae ein llyfrgelloedd yn cynnal achlysuron a gweithgareddau i hyrwyddo ymwybyddiaeth amgylcheddol, ailgylchu, ac ati, ac maen nhw'n lleoliadau i gasglu bagiau ailgylchu ar gyfer trigolion neu fusnesau.

Diwylliant, Treftadaeth a'r Gymraeg

Cydnabod a dathlu gorffennol, presennol a dyfodol Rhondda Cynon Taf.

Mae ein llyfrgelloedd yn cyfrannu at y nodau yma drwy:

- Hyrwyddo'r Gymraeg: Mae llyfrgelloedd yn cynnig llyfrau Cymraeg, yn cynnal dosbarthiadau iaith, a sesiynau stori dwyieithog. Maen nhw'n cydnabod hawl pobl i gael mynediad at wasanaethau yn y Gymraeg.
- Achlysuron diwylliannol: Mae arddangosfeydd, sgysiau gan awduron, a phrosiectau hanes lleol yn cofnodi ac yn rhannu treftadaeth Rhondda Cynon Taf.
- Mannau creadigol: Mae llyfrgelloedd yn cefnogi'r celfyddydau, crefftau a mynegiant diwylliannol trwy weithdai a pherfformiadau.



Mae llyfrgelloedd yn bartner cyflawni canolog wrth gyflawni Cynllun Corfforaethol y Cyngor 2024–2030. Drwy wasanaethau hygyrch sy'n canolbwyntio ar bobl a rhaglenni dan arweiniad y gymuned, maen nhw'n cyfrannu'n uniongyrchol at bob un o'r pedwar Amcan Llesiant ac yn dangos cydymffurfiaeth gref â Deddf Llesiant Cenedlaethau'r Dyfodol (Cymru) 2015 fel y dangoswyd yn flaenorol.

Myfyrio ar Ein Strategaeth 2022 – 25

Ein Safonau

Daeth y 'Llyfrgelloedd Cyhoeddus yn Cefnogi Cymunedau Cynaliadwy a Chysylltiedig' Llywodraeth Cymru: seithfed fframwaith ansawdd Safonau Llyfrgelloedd Cyhoeddus Cymru i rym ar 1 Ebrill 2025; felly 2026 fydd y flwyddyn gyntaf y bydd adroddiad yn seiliedig ar y fframwaith newydd yma'n cael ei lunio. Mae'r fframwaith newydd yn cynnwys 13 hawl craidd ac 11 dangosydd ansawdd, o'u cymharu â'r 12 hawl craidd, a 15 dangosydd ansawdd a oedd yn bresennol yn y fframwaith blaenorol.

Ar gyfer asesiad 2024/25, fe wnaeth Llyfrgelloedd y Cyngor fodloni pob un o'r 13 hawl craidd yn llawn ac o blith y 5 dangosydd ansawdd sydd â thargedau, cafodd 3 eu cyflawni'n llawn ac 1 yn rhannol.

Llyfrgelloedd Cysylltiedig – Cynigion Llyfrgelloedd Cyffredinol

Y Cynigion Llyfrgelloedd Cyffredinol yw'r pethau hanfodol y mae pob llyfrgell yn eu gwneud.

Mae'r cynigion wedi'u datblygu gan Libraries Connected, elusen annibynnol sy'n cefnogi, hyrwyddo a chynrychioli llyfrgelloedd cyhoeddus, gyda chydweithrediad arweinwyr llyfrgelloedd, gweithwyr rheng flaen a defnyddwyr, ac maen nhw'n darparu fframwaith ar gyfer gwasanaeth llyfrgell o ansawdd uchel ac yn dangos pŵer llyfrgelloedd i gyfoethogi bywydau. Mae Cynigion Llyfrgelloedd Cyffredinol yn helpu i adeiladu gwasanaeth llyfrgell cyson ledled y DU gyfan ond maen nhw'n ddigon hyblyg i lyfrgelloedd lleol ymateb i anghenion eu cymunedau.

Ar hyn o bryd mae pedwar Cynnig Llyfrgell Cyffredinol:

Diwylliant a Chreadigrwydd

Galluogi cymunedau lleol i fwynhau profiadau celfyddydol a diwylliannol o ansawdd uchel drwy'r llyfrgelloedd.

Iechyd a Lles

Cefnogi iechyd a lles pobl a chymunedau lleol trwy wasanaethau sy'n hysbysu, ymgysylltu a chysylltu.

Gwybodaeth a Digidol

Sicrhau bod modd i gymunedau gael mynediad at wybodaeth a gwasanaethau digidol o safon, dysgu sgiliau digidol newydd a theimlo'n ddiogel ar-lein.

Darllen

Adeiladu cymdeithas lythrennog a hyderus drwy ddatblygu, cyflwyno a hyrwyddo gweithgareddau darllen creadigol mewn llyfrgelloedd.

Llyfrgelloedd Rhondda Cynon Taf - Cysylltiedig

Mae Llyfrgelloedd CBSRhCT yn cyfrannu at y nodau a gaiff eu nodi yn Neddf Llesiant Cenedlaethau'r Dyfodol, Cynllun Corfforaethol Cyngor RhCT a'r Cynnig Llyfrgelloedd Cyffredinol drwy ddarparu mynediad at fannau sy'n canolbwyntio ar y gymuned ac sy'n cynnig dysgu gydol oes trwy lyfrau a gwybodaeth ar-lein, gan fod yn gynhwysol yn ddigidol trwy gynnig mynediad am ddim i'r rhyngrwyd a thrwy weithio gyda phartneriaid ar ddarparu a hwyluso cyfleoedd dysgu a gwybodaeth, cyngor a chymorth i bobl o bob oed trwy gyflawni'r Nodau Strategol canlynol:

Diwylliant a Chreadigrwydd

Treftadaeth Ddiwylliannol (1)

Mae llyfrgelloedd yn cefnogi Strategaeth Dreftadaeth y Cyngor drwy weithio gyda phartneriaid i hyrwyddo gweithgareddau diwylliannol i bob oed, amddiffyn casgliadau lleol, a sicrhau bod modd i drigolion gael mynediad at ddeunyddiau sy'n adlewyrchu hanes lleol.

Cynwysoldeb (2)

•Mae llyfrgelloedd yn ymrwymo i ddad-wladychu casgliadau drwy adolygu'r hyn sydd gyda nhw, amrywio lleisiau pwy sy'n cael eu cynrychioli, a gwella disgrifiadau a dosbarthiad i fod yn gywir, yn gynhwysol, ac yn sensitif yn ddiwylliannol.

Iechyd a Lles

Cysylltiad Cymunedol (3)

Mae llyfrgelloedd yn cynnig lleoedd diogel a chroesawgar lle mae modd i bobl gwrdd, cael mynediad at wasanaethau lleol, datblygu sgiliau newydd, a chymryd rhan mewn gweithgareddau sy'n meithrin cydnerthedd cymdeithasol ac economaidd.

Cynaliadwyedd (4)

Nod llyfrgelloedd yw lleihau effaith amgylcheddol drwy ddefnyddio adnoddau'n effeithlon, ailgylchu, cyd-leoli gwasanaethau, a gweithio gyda phartneriaid i ymgorffori arferion cynaliadwy.

Gwybodaeth a Digidol

Gwybodaeth, Cyngor a Chymorth (5)

•Mae llyfrgelloedd yn helpu i leihau unigedd trwy ddarparu gwybodaeth, cyngor a chefnogaeth. Maen nhw'n grymuso unigolion – gan gynnwys cynhalwyr di-dâl a grwpiau cymunedol – i wneud penderfyniadau gwybodus a dod o hyd i'r cymorth sydd ei angen arnyn nhw.

Digideiddio (6)

Mae cyfleusterau TG modern yn rhoi mynediad i bawb at wybodaeth ar-lein, hyd yn oed y rhai heb eu dyfeisiau na'u sgiliau digidol eu hunain. Mae modd i staff sydd wedi'u hyfforddi helpu pobl i ddysgu a defnyddio gwasanaethau digidol mewn byd sy'n troi'n gynyddol at wasanaethau ar-lein.

Darllen

Darllen (7)

Mae darllen rheolaidd yn cefnogi lles trwy leihau straen, gwella iechyd meddwl, hybu gwybodaeth, cryfhau cof a chadw a swyddogaeth yr ymennydd, a gwella geirfa, empathi, ffocws a chanolbwyntio.



Dywedon ni, Gwnaethon ni

Roedd rhai o'r ymrwymïadau yn ein strategaeth flaenorol yn cynnwys:

Strategaeth 2022-2025	Yr hyn a wnaethon ni	Cysylltiad
Nodi technolegau newydd i ddiwallu anghenion cwsmeriaid newydd.	Gweithio gyda'r Gwasanaeth Treftadaeth i ddarparu profiad defnyddiwr gan ddefnyddio clustffonau VR. Yn rhan o brosiect Diwygio Delweddau, prynwyd 4 recordydd hanes llafar a chamera digidol i gofnodi atgofion personol defnyddwyr y llyfrgell ar gyfer yr archif hanes lleol. Mae System Rheoli Llyfrgelloedd (LMS) newydd Spydus yn cynnig mwy o ymarferoldeb gan gynnwys y gallu i hyrwyddo achlysuron a gweithgareddau drwy'r catalog ar-lein.	Gwybodaeth a Digidol 1,2,3,5
Gwneud y defnydd gorau o sgriniau rhyngweithiol	Hyrwyddo gwasanaethau llyfrgell yn ddigidol drwy sgriniau lle bo modd gwneud hynny. Cynhyrchu 'rhaglenni dogfen' hanesyddol byr, dwyieithog ar gyfer dathliadau hanes llyfrgell Aberdâr. Gosod tair sgrin hyrwyddo ddigidol yn llyfrgelloedd Aberdâr, Pontypridd a Threorci	Diwylliant a Chreadigrwydd Gwybodaeth a Digidol 1,2,5,6

Strategaeth 2022-2025	Yr hyn a wnaethon ni	Cysylltiad
Nodi a gwerthuso adnoddau ar-lein newydd sy'n adlewyrchu anghenion cyfredol defnyddwyr.	Prynwyd tanysgrifiad i wasanaeth papur newydd a chylchgronau ar-lein Pressreader. Daeth hwn yn wasanaeth Cymru gyfan yn 2024.	Diwylliant a Chreadigrwydd Iechyd a Lles Gwybodaeth a Digidol Darllen 2,3,4,5,6,7
Cynnig cyfleoedd i wirfoddoli, gan roi profiad gwirfoddoli ystyrlon i bob person i'w gwneud yn fwy parod am swydd.	Gweithio gyda Swyddogion Addysg, Cyflogaeth a Hyfforddiant i ddarparu profiad gwaith, lleoliadau gwirfoddol a lleoliadau tymor hwy i dros 30 o unigolion. Mae lleoliad prentis dwy flynedd wedi arwain at aelod staff newydd parhaol.	Iechyd a Lles 3,4
Hyrwyddo a Chefnogi cynlluniau Presgripsiwn Llyfrau Cymru	Hyrwyddo Presgripsiwn Llyfrau Cymru ar gyfer pobl â Dementia, a nifer o weithgareddau a diwrnodau gwybodaeth yn llyfrgelloedd Aberdâr, Pontypridd a Threorci. Hyrwyddo arddangosfa casgliad llyfrau unigol drwy daflen, poster a chyfryngau cymdeithasol ym mhob llyfrgell arall.	Iechyd a Lles Gwybodaeth a Digidol 3,5
Annog staff i gefnogi rhagor o grwpiau darllen	Yn ogystal â pharhau i ddarparu lle i 8 grŵp darllen presennol, gan gynnwys Grŵp Amgen i bobl ddall a'r rhai â golwg rhannol, mae'r gwasanaeth yn darparu deunyddiau darllen i ddau grŵp allanol. Mae grwpiau darllen newydd hefyd wedi cychwyn mewn 4 llyfrgell arall.	Diwylliant a Chreadigrwydd Iechyd a Lles Gwybodaeth a Digidol Darllen 2,3,5,7

Strategaeth 2022-2025	Yr hyn a wnaethon ni	Cysylltiad
Nodi a gwneud cais am gyllid perthnasol.	Mae'r gwasanaeth wedi llwyddo i sicrhau nifer o geisiadau am gyllid gan gynnwys: - Ffurflenni Cais Estyn Allan gwerth £5,000 am offer digidol i ddenu cynulleidfaoedd i ddarllen ar lwyfannau digidol. - £94,000+ ar gyfer gofod artist cydgynhyrchol yn Hwb Diwylliannol Treorci. - £240,000+ o gyllid Cymorth Sector Lleol Gwell ar gyfer Amgueddfeydd, Archifau a Llyfrgelloedd, cais ar y cyd â'r Gwasanaeth Treftadaeth i ymgysylltu cymunedau lleol â chasgliadau treftadaeth.	Diwylliant a Chreadigrwydd Iechyd a Lles Gwybodaeth a Digidol Darllen 1,2,3,4,5,6,7
Parhau i weithio gydag Adran Diwylliant, Treftadaeth a Chwaraeon Llywodraeth Cymru (MALD gynt) i nodi adnoddau ar gyfer Cymru gyfan	A ninnau'n aelodau o Gymdeithas y Prif Lyfrgellwyr, rydyn ni'n cyfarfod yn rheolaidd â chynrychiolwyr Llywodraeth Cymru a Llyfrgell Genedlaethol Cymru i adolygu'r cynnig digidol Cymru gyfan presennol, gan adnewyddu neu ddisodli adnoddau yn ôl yr angen. Er enghraifft, Pressreader yn 2024.	Iechyd a Lles Gwybodaeth a Digidol Darllen 3,4,5,6,7
Cymdeithas y Prif Lyfrgellwyr , ymchwilio i gyflwyno cerdyn llyfrgell Cymru gyfan	Cyflwyno System Rheoli Llyfrgelloedd Cymru gyfan Spydus, a ddewiswyd yn rhannol oherwydd ei gallu i ganiatáu aelodaeth gyffredinol heb gyflwyno cerdyn llyfrgell Cymru gyfan. Roedd aelodaeth Cymru gyfan yn parhau i fod yn flaenoriaeth allweddol i Lywodraeth Cymru a Chymdeithas y Prif Lyfrgellwyr.	Iechyd a Lles Gwybodaeth a Digidol Darllen 4,5,6,7

Strategaeth 2022-2025	Yr hyn a wnaethon ni	Cysylltiad
Mewnosod Gwasanaeth Cyngori UnlBobUn yn y llyfrgell	Mae'r gwasanaethau craidd a gaiff eu darparu gan UnlBobUn wedi'u hintegreiddio i Wasanaethau'r Llyfrgell ac mae mwy o gydweithio rhwng cydweithwyr wedi datblygu. Mae hyn wedi arwain at Beilot Model Ymateb Graddol sydd wedi gwella llwybrau cyngor ar gyfer y ddau wasanaeth.	Iechyd a Lles Gwybodaeth a Digidol 3,4,5
Hyrwyddo Sialens Ddarllen yr Haf i annog mwy o gyfranogiad	Cafodd staff eu hannog i gyfrannu syniadau i hyrwyddo Sialens Ddarllen yr Haf ac i rannu mentrau llwyddiannus gyda'i gilydd, gan arwain at gynnydd mewn cyfranogiad. Yn ystod cyfnod y strategaeth ddiwethaf, cymerodd 3,338 o blant ran yn Sialens Ddarllen yr Haf.	Iechyd a Lles Darllen 3,7
Gweithio gyda phartneriaid i ddarparu lle ar gyfer arddangosfeydd	Crëwyd lle arddangos pwrpasol yn llyfrgell Treorci ac mae rhaglen barhaus o arddangosfeydd gydag artistiaid lleol yn digwydd; mae grwpiau sy'n arddangos yn rheolaidd yn cynnwys Cymdeithas Gelfyddydau Ystradyfodwg a MudArtSoul Ceramics and Fine Art. Mae llyfrgell Pontypridd wedi gweithio gyda nifer o artistiaid a grwpiau gan gynnwys Gŵyl Morfydd Owen tra bod Aberdâr wedi cynnal nifer o arddangosfeydd gan gynnwys ar gyfer pen-blwydd Rasys Ffordd Aberdâr ac ar gyfer Gŵyl Heddwch Cwm Cynon. Mae llyfrgelloedd llai hefyd yn cynnal arddangosfeydd.	Diwylliant a Chreadigrwydd Iechyd a Lles Gwybodaeth a Digidol 1,3,4,5,6

Strategaeth 2022-2025	Yr hyn a wnaethon ni	Cysylltiad
Creu Gwefan Dreftadaeth drwy Brosiect Diwygio Delweddau	Mae gwefan newydd Ein Treftadaeth wedi'i chreu i ddisodli dwy wefan hŷn sydd wedi dyddio. Mae adborth gan y cyhoedd yn galonogol gyda phobl yn gweld bod y wefan newydd yn gynhwysfawr, yn ddiddorol ac yn hawdd i'w defnyddio. Mae pobl yn gwerthfawrogi'r ystod o gynnwys gan gynnwys ffotograffau a ffilmiau, hanesion llafar a chyfrifon ysgrifenedig. Mae'r wefan yn rhoi llwyfan ar gyfer cofnod ar-lein o gofebion a cherfluniau Rhondda Cynon Taf.	Diwylliant a Chreadigrwydd Iechyd a Lles Gwybodaeth a Digidol 1,2,3,4,5,6
Gweithio gyda theatr y Parc a'r Dâr i ddatblygu a gwreiddio Hwb Diwylliannol Treorci	Yn ystod cyfnod y strategaeth mae perthynas waith ardderchog wedi datblygu rhwng y ddau leoliad. Caiff staff eu hannog i ystyried gweithio ar y cyd. Mae enghreifftiau o'r rhain yn cynnwys: - Achlysur Ein Cerddoriaeth, Ein Stori - Lansio Llyfrau Blodeugerdd y Llyfrgell - 'Parti Treth' Artistiaid - Man cydweithio llwyddiannus i artistiaid - Achlysur Marchnad Dydd Gŵyl Dewi - Gŵyl Haf - Gŵyl Parêd y Nadolig	Diwylliant a Chreadigrwydd Iechyd a Lles Gwybodaeth a Digidol 1,3,4,5
Staff Cymorth i ennill cymwysterau ffurfiol	Mae aelod o staff wedi cwblhau'r cymhwyster llyfrgell ffurfiol yn ddiweddar ac wedi ennill gradd mewn Rheoli Gwybodaeth a Llyfrgelloedd.	Iechyd a Lles Gwybodaeth a Digidol 4,6

Strategaeth 2022-2025	Yr hyn a wnaethon ni	Cysylltiad
Gweithio gyda phartneriaid i gefnogi cynhwysiant digidol	Gweithio ar y cyd â Chymunedau am Waith a Mwy i ail-lansio Dydd Gwener Digidol fel 'Gadewch i Ni Fynd yn Ddigidol', parhau i weithio gydag Addysg i Oedolion i ddarparu cefnogaeth gyfrifiadurol, rhifedd a llythrennedd sylfaenol. Defnyddiwyd y Gronfa Ffyniant Gyffredin i gyflogi Swyddog Datblygu TGCh o fewn y Gwasanaeth sy'n datblygu ac yn cyflawni mentrau cynhwysiant digidol.	Iechyd a Lles Gwybodaeth a Digidol Darllen 3,4,5,6,7
Datblygu a chreu ein cynnwys digidol ein hunain	Yn rhan o brosiect Diwygio Delweddau mae nifer o recordiadau sain a fideo byr wedi'u cynhyrchu ac maen nhw ar gael trwy wefan Ein Treftadaeth. Mae sawl prosiect unigol fel Prosiect y Cofebion Rhyfel a Phrosiect Treftadaeth Cwm Rhondda wedi cael eu gwneud ar gael yn ddigidol. Mae'r Detholiad Llyfrgell ar gael fel e-lyfr trwy blatfform Borrowbox.	Diwylliant a Chreadigrwydd Iechyd a Lles Gwybodaeth a Digidol 1,3,4,5,6
Adolygu ffioedd Llogi Ystafelloedd	Mae adolygiad wedi mynd rhagddo ac mae cynllun newydd ar gyfer taliadau wedi'i gyflwyno.	Iechyd a Lles 4,6

Cysylltiad yn y Gymuned a Chynaliadwydd

- ✓ Lle diogel a dibynadwy
- ✓ Gwasanaethau Lleol
- ✓ Cydnherthedd economaidd
- ✓ Lleuedd cynhwysol
- ✓ Cydnherthedd cymdeithasol



- ✓ Defnyddio adnoddau'n effeithlon
- ✓ Ailgylchu
- ✓ Llai o effaith ar yr amgylchedd



- ✓ Gwasanaethau'n cydweithio
- ✓ Cydlecili
- ✓ Lleihau unigedd



Treftadaeth a Chynhwysiant Diwylliannol

- ✓ Gweithio ar y cyd
- ✓ Diogelu casgliadau
- ✓ Y Gymraeg ac ieithoedd y byd
- ✓ Strategaeth treftadaeth



- ✓ Partneriaethau
- ✓ Diogelu treftadaeth
- ✓ Arddangosfeydd



- ✓ Dad-wladychu casgliadau
- ✓ Clywed pob llais
- ✓ Cymunedau sy'n anodd eu cyrraedd



Iechyd a Lles

Diwylliant & Greadigrwydd

Llyfrgelloedd RhCT - Wedi'u cysylltu

Darllen

Gwybodaeth & Digidol

Darllen

- ✓ Lleihau straen
- ✓ Hwb gwybodaeth



- ✓ Gwella geirfa
- ✓ Canolbwyntio
- ✓ Gwella cof a chadw



- ✓ Gwella iechyd meddwl
- ✓ Gwella empathi



Gwybodaeth, Cyngor, Cymorth a Digiddeiddio

- ✓ Cywirdeb
- ✓ Mynediad ar-lein
- ✓ Partneriaethau



- ✓ TG wedi'i ddiweddarau
- ✓ Staff gwybodus



- ✓ Staff medrus
- ✓ Cymorth a chefnogaeth
- ✓ Cynhwysiant digidol



Ein llyfrgelloedd mewn rhifau

Mae Safonau Llyfrgelloedd Cyhoeddus Cymru yn nodi sawl tuedd barhaus mewn llyfrgelloedd Cymru, ac mae modd gweld pob un ohonyn nhw yn llyfrgelloedd Rhondda Cynon Taf. Mae'r defnydd yn dangos adferiad mewn ymweliadau corfforol a benthyca llyfrau ers pandemig COVID-19, ynghyd â symudiad parhaol tuag at wasanaethau digidol gwell a thrawsnewid llyfrgelloedd yn ganolfannau cymunedol amlbwrpas.

Tueddiadau allweddol

Adferiad Ôl-bandemig: Mae niferoedd benthychwyr gweithredol, llyfrau i oedolion, a llyfrau i blant i gyd wedi cynyddu'n sylweddol ers uchafbwynt pandemig COVID-19, er nad ydyn nhw wedi dychwelyd i lefelau cyn y pandemig eto.

Symud i Ddigidol: Cynyddodd ddefnydd e-lyfrau (e-lyfrau, e-sain, ac ati) yn sydyn yn ystod y cyfnod clo. Mae'r duedd yma wedi parhau i raddau helaeth gyda Llyfrgelloedd Rhondda Cynon Taf yn gweld cynnydd o flwyddyn i flwyddyn yn eu defnydd o e-lyfrau ac e-sain.

Pwysigrwydd Gofod Ffisegol: Er gwaethaf y newid digidol, mae galw cryf a chynyddol am wasanaethau wyneb yn wyneb, pori corfforol, a rhyngweithio cymdeithasol, gyda chwsmeriaid yn colli'r llyfrgell fel lle corfforol ar gyfer grwpiau cymunedol a darpariaeth TG.

Model Hwb Cymunedol: Mae tuedd gynyddol o gydleoli llyfrgelloedd â gwasanaethau lleol eraill i greu hybiau cymunedol, gan gynnig ystod eang, o gymorth o geisiadau am Fathodyn Glas i adnoddau iechyd meddwl a chlybiau swyddi.

Iechyd a Lles: Mae llyfrgelloedd yn cyfrannu'n weithredol at flaenoriaethau Llywodraeth Cymru ar iechyd a lles, gan gynnig gwasanaethau megis cynllun llyfrtherapi Cymru gyfan, darllen yn dda, a rhaglenni penodol ar gyfer cymorth dementia.

Cynhwysiant Digidol: Mae llyfrgelloedd yn darparu mynediad a chymorth TG cyhoeddus hanfodol i fynd i'r afael ag anghydraddoldebau digidol, gan gynorthwyo defnyddwyr i chwilio am swyddi, creu CV, a sgiliau cyfrifiadurol sylfaenol.

Mae'r ffeithlun canlynol yn rhoi ychydig o wybodaeth ddiddorol i ddefnyddwyr ar draws cyfnod ein strategaeth flaenorol o fis Ebrill 2022 hyd at fis Tachwedd 2025.

Llyfrgelloedd RhCT 2022/2025



1,909,560

o ymweliadau ledled 13 llyfrgell

3,338



o bobl wedi cymryd
rhan yn Sialens
Ddarllen yr Haf



12,089

o achlysuron
wedi'u cynnal



236,099

o lawrlwythiadau digidol,
e-lyfrau ac ati

132,288


wedi mynychu
achlysur
yn y llyfrgell



60k

Nifer cyfartalog
deiliad cerdyn llyfrgell
(y flwyddyn)

Ymweliadau



660,064



Nifer cyfartalog y llyfrau i oedolion
a phlant a gafodd eu benthyg y
flwyddyn (2022/25)

Ein Gweledigaeth

Bod yn wasanaeth llyfrgell gweladwy, hygyrch a chynhwysol yng nghanol ein cymunedau, gan wella bywyd a lles diwylliannol, addysgol ac emosiynol ein holl drigolion a thrwy fod yn wasanaeth sy'n cael ei werthfawrogi gan bawb.

Wrth wraidd ein gwaith mae ymrwymiad i:

- Ddarparu gwasanaethau ac adnoddau dwyieithog yn y Gymraeg a'r Saesneg.
- Ymgysylltu â chymunedau i ddeall eu hanghenion ac ymateb iddyn nhw.
- Ehangu lleisiau aelodau'r gymuned sy'n anaml yn cael eu clywed.
- Cydweithio â phartneriaid i sicrhau bod gan gwsmeriaid fynediad at yr ystod lawn o ddarpariaeth sydd ei hangen arnyn nhw.
- Cadw llyfrgelloedd wrth wraidd eu cymunedau.
- Cefnogi a datblygu'r System Rheoli Llyfrgelloedd Cymru gyfan gyda'r nod o greu Platfform Llyfrgell Ddigidol Cenedlaethol i Gymru.



Ein Blaenoriaethau Strategol Allweddol

Rydyn ni wedi nodi tair blaenoriaeth strategol allweddol a fydd yn gymorth i gyflawni gweledigaeth ein Strategaeth Llyfrgelloedd dros y 5 mlynedd nesaf:

Cadw'r Gwasanaeth yn Berthnasol

- Gwneud defnydd y gorau o dechnoleg i ddiwallu anghenion defnyddwyr sy'n esblygu.
- Diwallu anghenion sy'n esblygu trwy wasanaethau sy'n gysylltiedig yn ddi-dor ac yn amserol.
- Uwchsgilio staff i ddarparu cefnogaeth ymatebol sy'n barod ar gyfer y dyfodol.

Gwella Profiadau yn y Llyfrgell

- Hyrwyddo llyfrgelloedd fel canolfannau bywiog a chroesawgar yng nghanol bywyd cymunedol yn Rhondda Cynon Taf.
- Annog cyfranogiad ehangach mewn gwasanaethau ac adnoddau amrywiol.
- Cyflawni potensial unigol a chymunedol drwy ysbrydoli dysgu, creadigrwydd ac ymgysylltiad cymunedol.

Datblygu Gwasanaethau sy'n addas ar gyfer y Dyfodol

- Cefnogi llythrennedd a dysgu gydol oes drwy achlysuron a chyfleoedd i bob oed.
- Darparu mannau diogel a chynhwysol, yn ffisegol ac yn ddigidol.
- Cyflwyno canllawiau iechyd a lles yn rhan ganolog o'n gwasanaeth llyfrgell.
- Dathlu diwylliant a threftadaeth drwy adlewyrchu cymunedau amrywiol a dad-wladychu archifau.
- Meithrin creadigrwydd ac arloesedd i gyfoethogi economïau a chyflogaeth lleol.

Sut y byddwn ni'n cyflawni hyn

Blaenoriaeth Strategol: 'Cadw'r Gwasanaeth yn BERTHNASOL'

Mewn oes o newid technolegol cyflym a disgwyliadau cymunedol sy'n newid, mae'n hanfodol bod Gwasanaeth Llyfrgelloedd y Cyngor yn parhau i fod yn ymatebol, yn gysylltiedig, ac yn canolbwyntio ar y dyfodol. Drwy harneisio'r offer a'r llwyfannau digidol diweddaraf, mae modd i ni sicrhau bod gan ddefnyddwyr fynediad at wasanaethau sy'n diwallu eu hanghenion sy'n esblygu mewn mannau ffisegol ac ar-lein. Ar yr un pryd, bydd ein gallu i addasu'n gyflym i heriau a chyfleoedd newydd yn caniatáu inni ddarparu cefnogaeth amserol a pherthnasol sy'n adlewyrchu realiti byd sy'n newid. Yn ganolog i'r uchelgais yma mae ymrwymiad i uwchsgilio ein staff, gan roi'r wybodaeth a'r hyder iddyn nhw i ddarparu gwasanaethau arloesol o ansawdd uchel sy'n cadw'r llyfrgell wrth wraidd bywyd cymunedol.

Cam Gweithredu

Gwellu'r rhaglen ddigideiddio a sicrhau bod adnoddau ar gael drwy'r wefan 'Ein Treftadaeth' sydd wedi'i ddiweddarau, gan sicrhau bod casgliadau ar gael ar unrhyw adeg a chynnal presenoldeb cryf ar-lein.

Mabwysiadu datblygiadau TG newydd a thrin a thrafod gwasanaethau digidol arloesol i wella profiadau defnyddwyr y llyfrgell.

Uwchsgilio staff y llyfrgell fel bod modd iddyn nhw ddarparu gwasanaethau sy'n parhau i fod yn berthnasol ac yn ymatebol i anghenion defnyddwyr sy'n newid.

Uwchraddio offer ledled llyfrgelloedd ac integreiddio technolegau sy'n dod i'r amlwg megis Rhith-realiti a Deallusrwydd Artiffisial.

Ehangu mynediad at adnoddau amrywiol ar-lein, cynnal y cynnig eang o e-Lyfrau, e-Sain, cylchgronau digidol, papurau newydd, a chronfeydd data; a pharhau i weithio gydag Adran Ddiwylliant Llywodraeth Cymru a Chymdeithas y Prif Lyfrgellwyr (SCL) i nodi adnoddau posibl ar gyfer Cymru gyfan.

Blaenoriaeth Strategol: 'Gwella PROFIADAU yn y Llyfrgell'

Mae llyfrgelloedd CBSRhCT yn fwy nag adeiladau; maen nhw'n fannau cymunedol bywiog lle mae diwylliant, dysgu a chyfleoedd yn dod at ei gilydd. Drwy osod llyfrgelloedd wrth wraidd bywyd diwylliannol Rhondda Cynon Taf, mae modd i ni ysbrydoli creadigrwydd, cefnogi twf personol, ac annog cyfranogiad ar draws pob oedran a chefnidir. Mae ehangu mynediad at ein hamrywiaeth o wasanaethau yn sicrhau bod gan bob preswilydd gyfle i gyflawni ei botensial, gan gryfhau rôl llyfrgelloedd fel canolfannau croesawgar a chynhwysol sy'n cyfoethogi bywyd bob dydd.

Cam Gweithredu

Cyflwyno rhaglen ffocws o achlysuron addysgol a difyr i blant o bob oed.

Sicrhau bod gan drigolion fynediad at ystod eang o gyfleoedd hamdden a dysgu amrywiol trwy lyfrgelloedd a phartneriaid.

Cydweithio â phartneriaid, cydweithwyr, a gwasanaethau'r Cyngor i ddarparu gwybodaeth, cyngor a chymorth cynhwysfawr ar lesiant ac iechyd.

Gweithio gyda phartneriaid a gwirfoddolwyr treftadaeth, celfyddydau a diwylliannol i ddatblygu rhaglen amrywiol o weithgareddau diwylliannol.

Adolygu polisiau'r llyfrgell i sicrhau eu bod yn gefnogol ac yn deg, ac yn canolbwyntio ar leihau rhwystrau.

Buddsoddi mewn hyfforddiant staff i rymuso gweithwyr gyda'r wybodaeth a'r sgiliau i ddarparu gwasanaeth rhagorol sy'n canolbwyntio ar y defnyddiwr.

Casglu a gweithredu ar adborth defnyddwyr drwy arolygon, blychau awgrymiadau a grwpiau ffocws, gan sicrhau bod penderfyniadau'n cael eu llywio gan fewnbwn y gymuned.

Ehangu mynediad at gyfleoedd dysgu i bawb, gan barhau i gydweithio â chydweithwyr a phartneriaid i adeiladu ar y ddarpariaeth bresennol.

Blaenoriaeth Strategol: 'Datblygu Gwasanaethau sy'n ADDAS AR GYFER Y DYFODOL'

Er mwyn parhau i fod yn hanfodol yn y blynyddoedd i ddod, rhaid i'r Gwasanaeth Llyfrgelloedd esblygu i adlewyrchu anghenion newidiol ein cymunedau. Mae hyn yn golygu cefnogi llythrennedd a dysgu gydol oes, cynnig mannau diogel a chynhwysol ar-lein ac yn bersonol, a hyrwyddo mentrau iechyd a lles. Drwy ddathlu diwylliant a threftadaeth, meithrin creadigrwydd, a chroesawu arloesedd, mae modd i ni sicrhau bod llyfrgelloedd yn parhau i ysbrydoli, addysgu, a chyfrannu at dwf economaidd lleol. Bydd ein hymrwymiad i ddigideiddio, technolegau newydd, a rhaglenni amrywiol yn cadw'r gwasanaeth yn ddeinamig, yn berthnasol, ac yn barod ar gyfer y dyfodol.

Cam Gweithredu

Hyrwyddo darllen a defnyddio llyfrgelloedd yn rhan hanfodol o fywydau cymdeithasol ac addysgol trigolion, gan amlygu ei gyfraniad at iechyd meddwl a lles.

Gwella gwasanaethau drwy ddiwallu anghenion pobl a rhoi cynnig ar ffyrdd newydd o'u cyflawni, wedi'u harwain gan adborth.

Sicrhau cynrychiolaeth gynhwysol fel bod pawb yn cael eu cynrychioli yn ein gwaith diwylliant a threftadaeth, mynd i'r afael ag ymyleiddio'r gorffennol trwy ddad-wladychu, a dathlu cymunedau amrywiol trwy ein casgliadau, arddangosfeydd ac achlysuron.

Hwyluso cydweithio a lleoli llyfrgelloedd fel canolfannau cymunedol canolog drwy gefnogi twf mentrau cydnerthedd a chryfhau partneriaethau â'n cymunedau, y sector cyhoeddus, y sector preifat a'r trydydd sector.



Deilliannau ac Effeithiau: Sut y byddwn ni'n gwybod ein bod ni wedi llwyddo

Bydd pobl yn:

Ennill gwybodaeth a sgiliau drwy ddefnyddio'r llyfrgell

Mae llyfrgelloedd yn darparu mynediad am ddim at lyfrau, adnoddau ar-lein, llwyfannau dysgu, a staff medrus sy'n cynnig arweiniad a chefnogaeth. Drwy gyfleoedd dysgu ffurfiol ac anffurfiol - megis gweithdai, mannau astudio, a hyfforddiant digidol - mae modd i bobl ehangu eu gwybodaeth, datblygu sgiliau newydd, a dilyn dysgu gydol oes

Llwyddiant yw:

Pobl yn nodi sgiliau gwell, mwy o ymgysylltiad ag adnoddau dysgu, a thystiolaeth o gynnydd personol neu addysgol. Bydd llwyddiant yn cael ei fesur gan ddefnyddio cyflawniad yn erbyn Safonau Llyfrgelloedd Cyhoeddus Cymru, arolygon boddhad cwsmeriaid, asesiadau prosiect ac adborth o sesiynau/gweithgareddau llyfrgell.

- Dangosyddion Ansawdd Safonau Llyfrgelloedd Cyhoeddus Cymru B1 - Gwneud gwahaniaeth (canlyniadau arolwg cwsmeriaid a datganiad effaith).
- Mae gwerthusiad o brosiectau a ariannwyd megis y prosiect 'Diwygio Delweddau' yn dangos bod targedau'r prosiect yn cael eu cyflawni.
- Mae adborth gan bobl sy'n cymryd rhan yng ngweithgareddau/sesiynau'r llyfrgell yn dangos bod o leiaf 90% o bobl a oedd yn bresennol yn nodi bod cymryd rhan wedi eu helpu i gyflawni eu nodau.

Ymuno ag achlysuron darllen a diwylliannol a gaiff eu trefnu gan y Gwasanaeth Llyfrgelloedd

Mae llyfrgelloedd yn cynnal rhaglen gyfoethog o weithgareddau, gan gynnwys grwpiau darllen, sgysiau awduron, sesiynau adrodd straeon, arddangosfeydd a gweithdai creadigol. Mae'r achlysuron yma'n annog cyfranogiad mewn diwylliant, yn meithrin cariad at ddarllen, ac yn gwneud celfyddydau a llenyddiaeth yn hygyrch i bawb.

Llwyddiant yw:

Lefelau cryf o ymgysylltu, cyfranogiad amrywiol, ac adborth cadarnhaol am gyfoethogi a mwynhad diwylliannol. Bydd llwyddiant yn cael ei fesur gan ddefnyddio cyflawniad yn erbyn Safonau Llyfrgelloedd Cyhoeddus Cymru, arolygon boddhad cwsmeriaid, asesiadau prosiect ac adborth o sesiynau/gweithgareddau llyfrgell.

- Dangosyddion Ansawdd Safonau Llyfrgelloedd Cyhoeddus Cymru B2 - Defnyddio'r llyfrgell Nifer y rhifynnau llyfrau a'r lawrlwythiadau electronig.
- Nifer y plant sy'n cymryd rhan yn Sialens Ddarllen yr Haf
- Nifer y mynychwyr mewn achlysuron darllen neu ddiwylliannol.

Teimlo'n rhan o gymuned gryfach, fwy cysylltiedig

Ac yntau'n fannau diogel, niwtral a chroesawgar, mae llyfrgelloedd yn dod â phobl at ei gilydd. Drwy weithgareddau cymunedol, grwpiau cymdeithasol, cyfleoedd gwirfoddoli, a rhyngweithiadau bob dydd, mae llyfrgelloedd yn helpu i feithrin cysylltiadau cymdeithasol a chryfhau cydlyniant cymunedol.

Llwyddiant yw:

Trigolion yn adrodd bod y llyfrgell yn eu helpu i deimlo'n gysylltiedig, yn cael eu cefnogi, ac yn rhan o'u cymuned leol. Bydd llwyddiant yn cael ei fesur gan ddefnyddio cyflawniad yn erbyn Safonau Llyfrgelloedd Cyhoeddus Cymru, arolygon boddhad cwsmeriaid, asesiadau prosiect ac adborth o sesiynau/gweithgareddau llyfrgell.

- Dangosyddion Ansawdd Safonau Llyfrgelloedd Cyhoeddus Cymru B2 - Defnyddio'r Llyfrgell Cyfanswm nifer yr ymweliadau â safleoedd llyfrgell.
- Nifer y mynychwyr mewn achlysuron llyfrgell.
- Mae gwerthusiad o brosiectau a ariannwyd megis y prosiect 'Diwygio Delweddau' yn dangos bod targedau'r prosiect yn cael eu cyflawni.

Cael eich cynnwys yn y byd digidol

Mae llyfrgelloedd yn darparu Wi-Fi am ddim, cyfrifiaduron personol, dyfeisiau, a chymorth digidol gan staff. Maen nhw'n cynnig sesiynau sgiliau, cymorth un i un, a mynediad at wasanaethau ar-lein - gan sicrhau bod modd i bawb gymryd rhan yn y byd digidol yn hyderus, waeth beth fo'u hincwm neu eu profiad.

Llwyddiant yw:

Mwy o bobl yn defnyddio offer digidol yn hyderus, yn cael mynediad at wasanaethau ar-lein, ac yn goresgyn allgau digidol. Bydd llwyddiant yn cael ei fesur gan ddefnyddio cyflawniad yn erbyn Safonau Llyfrgelloedd Cyhoeddus Cymru, arolygon boddhad cwsmeriaid, asesiadau prosiect ac adborth o sesiynau/gweithgareddau llyfrgell.

- Dangosyddion Ansawdd Safonau Llyfrgelloedd Cyhoeddus Cymru B2 - Defnyddio'r Llyfrgell Cyfanswm nifer y cwsmeriaid a gafodd gymorth drwy gymorth anffurfiol yn ystod y flwyddyn.
- Nifer y mynychwyr mewn achlysuron llyfrgell sydd wedi'u hanelu at wella sgiliau digidol. e.e. dosbarthiadau cyfrifiadurol, sesiynau 'Gadewch i ni fynd yn ddigidol'.

Ailddarganfod darllen fel gweithgaredd hamdden pleserus (yn y llyfrgell neu ar-lein)

Trwy arddangosfeydd llyfrau deniadol, argymhellion darllenwyr, e lyfrau, llyfrau sain, a hyrwyddiadau darllen hamdden, mae llyfrgelloedd yn gwneud darllen yn hawdd ac yn bleserus. Mae amgylchedd ymlaciol y llyfrgell, a chyfleustra mynediad digidol 24/7, yn annog pobl i ailgysylltu â darllen er mwyn pleser.

Llwyddiant yw:

Ymgysylltiad cynyddol â darllen, yn y llyfrgell ac ar-lein, ac adborth cadarnhaol am ddarllen er pleser. Bydd llwyddiant yn cael ei fesur gan ddefnyddio cyflawniad yn erbyn Safonau Llyfrgelloedd Cyhoeddus Cymru, arolygon boddhad cwsmeriaid, asesiadau prosiect ac adborth o sesiynau/gweithgareddau llyfrgell.

- Dangosyddion Ansawdd Safonau Llyfrgelloedd Cyhoeddus Cymru B2 - Defnyddio'r Llyfrgell. Nifer y rhifynnau llyfrau a'r lawrlwythiadau electronig.
- Nifer y plant sy'n cymryd rhan yn Sialens Ddarllen yr Haf.
- Nifer y grwpiau darllen a gaiff eu cynnal mewn llyfrgelloedd.

Gwella eu hiechyd a'u lles drwy ddefnyddio gwasanaethau llyfrgell

Mae llyfrgelloedd yn cefnogi lles drwy ddarllen er mwyn pleser, cysylltiad cymdeithasol, manau diogel, gwybodaeth iechyd, a rhaglenni megis Presgripsiwn Llyfrau. Mae gweithgareddau sy'n lleihau unigedd, yn hyrwyddo ymlacio, ac yn annog creadigrwydd hefyd yn gwneud cyfraniad cadarnhaol at iechyd meddwl a chorfforol.

Llwyddiant yw:

Defnyddwyr yn nodi lles gwell, llai o unigedd, ac iechyd emosiynol neu feddyliol gwell oherwydd gwasanaethau llyfrgell. Bydd llwyddiant yn cael ei fesur gan ddefnyddio cyflawniad yn erbyn Safonau Llyfrgelloedd Cyhoeddus Cymru, arolygon boddhad cwsmeriaid, asesiadau prosiect ac adborth o sesiynau/gweithgareddau llyfrgell.

- Dangosyddion Ansawdd Safonau Llyfrgelloedd Cyhoeddus Cymru B4 - Cymorth ar gyfer iechyd a lles. Disgrifiad o'r mathau o wasanaethau, adnoddau a gweithgareddau y mae eich gwasanaeth llyfrgell yn eu darparu i gefnogi iechyd a lles unigolion a chymunedau. Astudiaeth achos i ddangos effaith un neu fwy o agweddau ar ddarpariaeth iechyd a lles ar unigolyn neu grŵp. Nifer benthyciadau o deitlau o'r gyfres Presgripsiwn Llyfrau Cymru.

Cymryd rhan fwy gweithredol ym mywyd y gymuned drwy gyfleusterau'r llyfrgell

Mae llyfrgelloedd yn grymuso pobl i gymryd rhan drwy gynnig mannau cyfarfod, rolau gwirfoddoli, pwyntiau gwybodaeth ddinesig, a chyfleoedd i gymryd rhan mewn prosiectau cymunedol. Maen nhw'n gweithredu fel canolfannau hygyrch lle mae modd i drigolion gymryd rhan, rhannu sgiliau a chyfrannu at fywyd lleol.

Llwyddiant yw:

Trigolion yn defnyddio llyfrgelloedd fwyfwy ar gyfer gweithgareddau cymunedol ac yn teimlo eu bod wedi'u grymuso i gyfrannu at fywyd lleol. Bydd llwyddiant yn cael ei fesur gan ddefnyddio cyflawniad yn erbyn Safonau Llyfrgelloedd Cyhoeddus Cymru, arolygon boddhad cwsmeriaid, asesiadau prosiect ac adborth o sesiynau/gweithgareddau llyfrgell.

- Dangosyddion Ansawdd Safonau Llyfrgelloedd Cyhoeddus Cymru B5 - Presenoldeb defnyddwyr mewn achlysuron yn y llyfrgell.
- Nifer y gweithgareddau a gaiff eu cynnal mewn llyfrgelloedd.
- Nifer y gwirfoddolwyr mewn llyfrgelloedd yn ystod y flwyddyn.

